

Craoviensis Studior. Univ. Jagell.  
Promotiones Philos. Ordinis  
1675 2. 6 mensis Aprilis



3545

III.

Mag. St. Dr.

P

Poenaga 3095.

Zeleniski Lucae Alberti: Floridulus Hesperidum  
fasciculus ex amoenissimis vernantis naturae  
primitiis collectus virtuti et honori VV. VV.  
VI. primae laureae Candidatorum - dedicatus.



I

E

V

K

*Ma*

L



# FLORIDVS

Hesperidum Fasciculus,  
Ex amœnissimis Vernantis Naturæ Primitijs  
COLLECTVS,

Virtuti & Honori,  
VV.DD. VI. Primæ Laureæ Candidatorū,

D V M

In Alma Vniuersitate Cracouiensi,

P E R

*Excellentissimum, ac Doctissimum Dominum,*

M. FRANCISCVM  
KACZOROWICZ,

Philosophiæ Doctorem, Collegam Minorem,

I N

*Magno Illustrum Hospitum, & Academici Senatûs concursu,*

Prima in Artibus, & Philosophia Laureâ,

RITV SOLENNI,

INSIGNIRENTVR;

Amoris, & Gratulationis ergo,

A

L V C A A L B E R T O

DE ZELANKA

Z E L E N S K I,

Eiusdem Laureæ Candidato,


DEDICATVS.

Anno Salutis, M DC LXXV. Mensis Aprilis, Die VI.

Cracouiæ, Typis Vniuersitatis.



# IN STEMMA, PERAVGVSTI CAPITVLI CRACOVENSIS.



Terna Peraugusti radiant diademata cætus,  
Fulgida tot gemmis, quot pretiosa Viris.  
Regales animos, insignia Regia nempe,  
Atq; coronati cingit Honoris apex.  
Augusto Regum Capiti, satis vna corona,  
Sacrorum Reges, terna Corona decet.



PERILLVSTRIBVS,  
 REVERENDISSIMIS,  
 ADMODVM REVERENDIS DOMINIS,  
 D.D. PRÆLATIS,  
 ET CANONICIS,  
 PERAVGVSTI CAPITVLI,  
 ECCLESIAE CATHEDRALIS  
 CRACOVENSIS,  
 D.D. Patronis, ac Benefactoribus  
 Munificentissimis.



*Mœnam Orbis temperiem, restitutum natura decus ut coronet, aura Cali clementior pascit; vigorem suum, decora ingenia ut recipiant, ad eruditos honores spectat. PERILLVSTRES, ac REVERENDISSIMI DOMINI. Non decet quippe, cum bonis literis, inclementius agi, quàm cum natura dotibus; quas cum sole novo, caloreq; benigno excitari videmus; animorum vegetari Spiritus, & ornamenta resflescere debere, an non ex decore Sapientiae conveniens est? Aperit natura sinum, & in Orbis coronamenta soluit, fons ille lucis; qui cuncta permeat & resouet: punctumq; illud Zodiaci, quod accessu recessuue suo indigat; fomentum vite, aut rerum vigoris decrementum habetur. Bonas quoq; literas vegetat, clarum illud, & limpidum decus; quod ex honore publico venit: nec aliud vitale magis, ad doctrina stimulos, quàm punctum honoris est. Prodimus ab hoc bonarum mentium fomento, noua in lucem publicam germina; Iagelonica Palladis manu, in fasciculum collecta; ex eo viretorum genere, de quo Poëta canit:*

*Aureaq; Hesperijs nituerunt lilia campis;*

*Cum Sapientia interst, ne aurei Hesperidum horti, profana veteris cui inuenta tantum; & non eruditi quoq; honoris patrimonia sint. Nasci tamen, & florescere, etiam inter partus Hesperidum aureos, parum est; nisi lucem publicam ferre, & maturescere liceat; quod sola Magnorum Nominum protectio facit. Ad Coronas proinde Vestras, PERILLVSTRES, ac REVERENDISSIMI DOMINI, ceu ad augustum eximia protectionis Sacrarium, Primitiarum Palladis FASCICVLVS hic, Pronus vel ideo fertur; ut intra tanti Splendoris iubar, plenâ luce frui, Soleq; non alio maturescere discat. Debetur certè, quidquid ex Literato prouentu selectissimum est, honori*



*Vestro; cui nunquam bona litera, intantum adlaborabunt, ut par aliquid ex gratiarum debito soluant. Præcellens quippe apex hic Vester, coronato Regum Poloniarum Va- uelo eminens, cum Sanctitate, innocentia, Zelo, & exemplo, Ecclesiastica dignitatis, & omnis gloria, Spectatissimum fastigium teneat; tum illud eminentissimum habet; quod Sapientie studium, & autoritate summam tueri, & incredibili munificentia promouere, non desinit unquam. Cimmeliarchion quidem Polonum, intra CORONAS Vestras situm est, adeo; ut nullum omnino ex pretiosis Ecclesia, & Patrie Monilibus, depositum sit; quod Sacer hic CORONARVM Ternio, non ambiat: qui calum tot Diuinis Indigetibus, Ecclesiam tot tiarum, Senatum tot curulibus, Orbem denique tantum sui, splendore impleuit: Sed nec in Coronis Sapientia inclauit quidquam, quod hic aut erudita Virtus non intulerit, aut non extulerit beneficentia. Augustum hic Capitolium, Compendio gloria sue Polonia fecit, Sapientia oraculum inuenit; cuius aureum tripodem, non alibi, quam inter CORONAS Vestras esse decuit. Utinam verò, tantum oracula Eloquentia possent, inquantum hic celsitudo Omnis gloria assurrexit; Cui triplex Diadema creditum, palam ostendit; Sacrum hunc verticem, Regali Sacerdotio tam præesse; quam coronata Regum capita, ceteris mortalium præstant: eò tamen Omnis cui conatus, curas eruditorum selectiores urgere non desinet; ut cum Peraugustum hoc Capitulum, in quo princeps in Regno Illustrum Stirpium Sanguis, Sanctimonia, & pietatis domicilium, autoritatis Ecclesiastica norma & amussis, tiararum Pontificalium Sedes, & gaza perennis, summam luce refulget, grato ad posteros obsequio transmittent; incomparabili eius in Alumnos Palladis munificentia, Laurum, & coronas omnes submittant. Agit hoc iam, profunda Venerationis Symbolo, Fasciculus hic meus; qui se Peraugustis CORONIS Vestris, pronus, & acclinis submittit: admittitque, intra Sacrarium amplissima gratia, & protectionis, ita exoptat; ut ex his Musarum, Primitiis, ad omnem deinceps erudita gloria pulchritudinem efflorescat. Regius quippe splendor iste est, qui ex triplici Diademate Vestro promicat; adeo Regia Palladis Musis amicus; ut nunquam coronata magis incedant; quam cum eas, fulgur istud circumstat, quod à Vestra summa gloria venit; Parnassumque omnem, Magno in literas, & literatos affectu coronat. Intra coronamenta hæc recipi, flos ipse gratiarum est; cum Diadematis Vestri felix ternio, aureus ille Hesperidum hortus sit; intra quem, quidquid clauditur, ab aureo axo descendit, victuraque gloriæ fontem perpetuum habet. Ab hoc vitali fonte, ut tenella quoque germina hæc mea assurgant, selemque suum, & fauentes etesias habeant; Fasciculum hunc meum, Peraugustis Nominibus Vestris insignio, lucis publica securum, cum eum ambiat tot coronarum Maiestas. Quæ ut Ecclesia DEI, Orbique Polono, Sacris æternum splendoribus coruscet, dum vota Immortali DEO facio; tantorum Nominum Honori, & immortalitati deuinctus, si in Fasciculum perpetui cultus concessero, felicitatis meæ coronidem putabo.*

*Vestrarum Perillustrum,*

*Reuerendissimarum,*

*Admodum R. R. Dominationum,*

*humillimus cultor, & cliens,*

LUCAS ALBERTVS de Zelanka,

ZELENSKI,

Primæ Laureæ Candidatus.



# D. IOANNI CANTIO,

Regni Poloniae, & Academiae,

P A T R O N O.

In argumentum Deuoti Cultûs,

*Sacer ex Omni florum Coronamento, ad Aras Fasciculus, cum Lemmate;*

Vt Beatis Honoribus vernet.

**F**LORIDAS quando nouus Ordo rerum  
Explicat dotes, tepidique Veris  
Sole foecundo, genium liquentem  
Lenè resoluit;

Colligit pulchrum Iagielona Pallas  
Germen, & dextræ niuibus pudicæ  
Purpuram miscet, roseoque florum  
Murice flagrat;

Ridet ex culto Peripatus hortus,  
Dona nec priscis celebrata seclis,  
Nec tuas auro radiasse plantas,  
Hespere curat.

Quidquid augustis operum ruinis,  
Fama iam toto sepeliuit Orbe,  
Docta, quæ cultu viret æuiterno;

Gratia vincit.

Sed tuis constat, Pater Alme curis,  
Atticam quidquid sapit hic, & Hyblam;  
Laureis à Te decus omne nostris,

Præsides surgit.

Aura Tu nobis, Zephyrique Lenis  
Spiritus; cælo placideque flantes  
Gratiæ, tecum quoties feruntur,


Omnia vernant.

Nullus in flores roseos, Adonis  
Pulchrius celsit; nec amica Phoebo  
Indoles, tantis Hyacinthus vnquam  
Ignibus arsit;

Diue, Cælesti prout excitamur  
Nos tuo cultu, redeunte veris  
Gratiâ, dum Tu Sobolem Togatam  
Prouehis Orbi.

Aureus florum proin iste Nexus,  
Busta circumdat tua; dum Beatos  
Iam tibi Sedes Vaticana, Diuum  
Spondet Honores.



  
*Clarissimis, & Excellentissimis Dominis,*  
**D.D. EXAMINATORIBVS,**

*Clarissimo, & Admodum Reuerendo Domino,*  
**D.M. IOANNI MICHALSKI,**  
Collegæ Maiori, Regio Professori, ad S. Annam Canonico,  
ac interea Philosophicæ Facultatis

**D E C A N O.**

*Clarissimo, & Admodum Reuerendo Domino,*  
**D.M. IACOBO BALTAZAROWICZ,**  
Collegæ Maiori, Tradnouiano Professori,  
**S. ANNÆ CANONICO.**

*Excellentissimo, ac Doctissimo Domino,*  
**D.M. ANDREÆ KROWICKI,**  
Philosophiæ Doctori, Collegæ Minori,  
**SYNDICO VNIVERSITATIS.**

*In Signum debitæ Gratitude,*  
*Purpureus ex Aramantho Gratiarum Nexus, cum Epigraphe;*  
*Sapientum Gloria Viuax.*

**C**ESSISSE Fatis omnia, quæ vices  
Mortalitatis, damnaq; sentiunt,  
Iussere Diui: Sola victrix,  
Tempus edax, senioq; fracti  
Triumphat Orbis dedecus, & graues  
Rugas, & effetos Sapientia  
Excedit annos: quippe Sacris  
Ignibus, hac animata viuit  
Diuinitatis portio; quam nefas,  
Humana lapsu deciduo, pati  
Momenta: Sed fas est perennis,  
Æthereum genus eminere



In auge vite: pectora marceant  
Damnata Pyrrha pondere Saxeo,  
Scintilla quæis nulla est Promethæi,  
Ex animo Sapiente ducta;  
Perennet Orbi, totaq; floreat  
Mens vestra viuax, o Sapientia  
Selecta prestanti Senatu  
Corda virum! quibus erudito  
Censu tenemur, promeritas fide,  
Curisq; tantis, soluere gratias,  
Stoæq; Primores Togata,  
Perpetuo celebrare cultu.  
Coronet in Te Purpureus decor,  
Binis, MICHALSKI, Nomen Honoribus  
Insigne, quod Matura virtus,  
Emerito geminauit ostro,  
In Te Sophorum Preside; quem grauis,  
Et digna tanto pectore, celsius  
Doctrina sublimare poscit,  
Tot Meritis, Cathedrisq; functum:  
Circumdat & Te gloria non minor,  
Virtute quam Tu Magnanimâ diu,  
Mereris o BALTAZAROVİ,  
Iamq; Sacra gradibus Cathedra  
Felix propinquas, quam tribuant Tibi  
Cæli fauentes. Iustinianæum  
Sed ad Tribunal, destinatos  
Diua Themis Tibi fert Honores;  
Quos fida, rebus Mens Academicis,  
Usuq; pollens continuo, Tibi  
Spondet KROWICKI. Purpurato,  
Ergo rubens Amaranthus ostro;  
Iam vestra cingat Nomina, iam Rosis  
Vos gratiarum suauior ambiat  
Procella; quos angusta virtus,  
Et Sapiens animus coronat:



F L O R I D V S  
HESPERIDVM FASCICVLVS.  
II. V.D. IOANNI KRZESZ.

Flos eximius rosæ Prænestinæ, cum Lemmate;

*Ut Rosas Suada loquatur.*

**F**LORIBVS ex varijs, quorum Saturnia tellus  
Hesperidum foecunda sinu, pulcherrima quondam  
Ornamenta tulit, flos Te lætissimus, inter  
Delicias veris, Phœbeo munere poscit;  
Cui Patriam Præneste dedit, roseique pudoris  
Immortale decus, nimirum suada quod in Te  
Formauit Specimen, roseis fulgoribus ardet;  
Respondetque genis, latè spectata pudicis  
Indolis egregiæ virtus; quam nomine grato  
Lubluni natale solum, cum pignore signat;  
Felicis tecum Patriæ, cui prima Iuuentæ,  
Atque viris dilecta probis insignia debes.  
Inde Tibi fandi vis, & mellita facultas,  
Osque coronatis florens, & Nobile dictis;  
Quo trahis, & mulces animos, lateque triumphas,  
Craciaco quoties placet exultare Lyceo,  
Ex rostrisq; loqui; flos ergo viue decorus,  
Fasciculumque Tuum, Magnâ Virtute corona;  
Dumque bonas artes sequeris, fac care IOANNES,  
Laurus vt hæc tecum, Medico succrescat Honori.

III. V.D. ALBERTO MARTINO  
BRATVSZOWSKI.

*Flos rosæ Campana Venustissimus, cum Lemmate;*

*Sic dicendo floresce.*

**A**Mænâ pratis ora virentibus  
Campana, celi propitios tulit,  
Plenosq; terrarum fauores,  
Puniceos per Aprica Nimbos,  
Et mille florum delicias ferens.  
Hæc illa Penos soluit Acinaces,  
Fregitq; robur Martiale;  
Dum Lybicis domitas ab armis.

*Concussit*



*Concussit Alpes; dum vetus artifex  
 Bellacis usus, ferrea pectorum  
 Momenta, Campanis remisit  
 Delicijs, placidaq; victor  
 Cessit quieti. Sed Tibi florido  
 Mens, BRATVSZOWSKI, munere, celsius  
 Assurget inuitata. quippe  
 Eloquio Tibi flos disertus,  
 Suadam coronat. sedula nec deest,  
 Vinaxq; culti pectoris indoles;  
 Quae te coronatum, secundis  
 Ad Cathedram iubet ire votis.*

#### IV. V.D. IACOBO GREGLICIO,

*Apollinus flos Castalius, cum Epigraphe;*

*Phœbo, & Musis placuisti.*

**P**Ulchra Musarum sequitur venustas,  
 Fontibus Sacris, vitreasque Cirrhæ  
 Nata cis Lymphas, ubi docta manat  
 Castalis vnda.

Hic tibi florum decus, eleganti  
 Vernat ornatu, niueique lactis  
 Candidas dotes, per amœna Phœbi  
 Explicat arua.

Nempe dilectæ tibi sunt Camenæ  
 GREGLICI, quarum Cytharæ potestas,  
 Dulce formauit tibi pectus, inter  
 Barbita Phœbi.

Hoc ebur tanges, numeroque vatum  
 Inferes Nomen; quod ab erudito  
 Palladis cultu, meruit virentes  
 Ferre Corymbos.

GREGLICI Præstans imitare Nomen,  
 Nolle cui linguas Oriente toto  
 Roma concessit; memoranda sic te  
 Fama loquetur,



V. V. D. ANDREÆ DOMINICO  
W E G L I N S K I,

*Flos rosæ Centifolia, cum Lemmate;  
Facundis ampla potestas.*

**I**nter flexanima Nomina gloriæ  
Censeri, decus est ingenio pari  
Quarendum. Sapiens Suada per obvios  
Cultus surgere respuit.

Munus dulcissimi grande negotium  
Oratoris habet; Vis ea pectorum  
Victrix, non humili flamine tollitur;  
Ingens Spiritus entheet

In rostris opus est pectora, quæ stupor  
Debetur Populi, summaq; gratia.  
Felici ingenio, quam sequeris tuo

W E G L I N S K I; super excedas

Dum victura petis Nomina Rhetorum,  
Præstanti studio. Sic tibi floridum,  
Centenisq; rubens in folijs Decus,  
Docto munere pendimus.

Suada Multiplices copia gratias  
In te sic referet; sic bene conditi,  
Iunctas laurigeris victor honoribus,  
Palmas Eloquij feres.

VI. V. D. ALBERTO PETRO,  
W O L S K I,

[Purpureus Floris Milesij rubor, cum Epigraphe;  
Thaletis Patriam Sapit.

**M**ilesij cum te, gratissima Purpura floris  
Ambit, honorato vertice tota rubens,  
Ista verecundis respondet dotibus in te;  
Concolor est animi, gratia nempe tui.  
Sed Miletus ei natalis gloria terræ,  
Quæris ab exotico quid tibi sole ferat?  
Hoc Natale solum, magno Thalete refulsit,  
Et fuerat tanto Patria digna viro:  
Ille Sophûm veteris flos, & lux aurea seclî,  
Sideræa felix cognitione poli,  
Ex animo dilexit opus, quod summa potestas,  
Stellarum ignitas, iussit habere faces;

Perque



Perq; vices tantas, certo discurrere motu,  
Distinctisq; Orbi tempora ferre modis.  
Ista Mathematicæ præstans doctrina Palæstræ,  
Magnorumq; simul, Nobile dogma Sophum,  
Te quoq; Palladio delectat munere, WOLSKI;  
Ardua nempe solet, Mens Generosa sequi,  
Hoc age constanti studio, vt Diuina Mathelís  
Sit Decus, & Capitis pulchra Corona tui.

I. V. D. LVCÆ ALBERTO  
DE ZELANKA  
ZELENSKI,

Primæ Laureæ CANDIDATO, Authori Operis,  
*In signum, Mutui affectus, & gratulatorij applausus,*  
Coronâ ex Lauru, Hesperijs floribus in ter textam, Cum Lemmate;  
*Nobilior ex Utroq.*

ANDREAS DOMINICVS WEGLINSKI,  
Eiusdem Laureæ Candidatus, Offert, dicatq;.

**A**SSURGE Vates, tota Virentibus  
Te poscit hortis, Hesperidum Cohors,  
Coniuncta Musis, tu ne florum  
Delicijs, roseoq; Censu  
Hybla Carebis? grandine floridâ  
Qui nos beasti. tot Caput super  
Laurus Togatas, mille spargens  
Veris Opes, & amica Phæbo  
Roseta: sed tu pulchrior omnium  
Flos es, decori Stemmatis Sanguinis,  
Ortuq; Maiorum ZELENSKI,  
Unde Tibi generosus ardor  
Sitisq; honesti; quæ Tibi Lauream,  
Sat Liberali quæsit indole;  
Dabitq; progressus Secundos  
Ad Themidem, geminâq; sacra  
Arcana Iuris; quò tua nobile,  
Aptumq; pectus iudicio graui,  
Vis mentis urget. perge felix  
Palladium decus altiori  
Formare curâ, & surgere Celsius;  
Doctrina ceris nobilibus dabit,  
Lucis coronata, perennem  
Iusque Tuam geminabit augem.



S V B

FELICIBVS AVSPICIIS,

*Magnifici, Perillustri, & Admodum Reuerendi Domini,*

M. SIMONIS  
MAKOWSKI.

Sacræ Theologiæ Professoris, Collegæ  
Maioris, Ecclesiæ Collegiatæ,

S. Floriani Canonici,

S. R. M. Secretarij,

Almæ Vniuersitatis Academiae Crac:  
Generalis, & Vigilantissimi

R E C T O R I S.



Biblioteka Jagiellońska



stdr0024741



